

Qishloq hayoti

ЎЗБЕКИСТОН RESPUBLIKASI IJTIMOY-IQTISODIY GAZETASI

1974-yil 1-yanvardan chiqa boshlagan

2023-yil 2-fevral, payshanba

№ 5 (9221)-son

e-mail: infoqishloqhayoti@yandex.ru @Qishloqhayoti_gazetasi

➤ Президент ташаббуси амалда

“Янги Андижон” шаҳри қурилиши давом этмоқда

Андижон вилояти мамлакатимиздаги ҳудуди жиҳатидан энг кичик, аҳолиси эса энг зич яшайдиган вилоят ҳисобланади. Вилоят республика ҳудудининг 1 фоизини, аҳолиси эса қарийб 10 фоизини ташкил этади. Шу боис ҳам вилоятда ернинг ҳар бир қарич майдонидан унумли ва оқилона фойдаланиш талаб этилади.



Президентимиз Андижон вилоятига аввалги ташрифи чоғида ана шу жиҳатни ҳисобга олиб, қолаверса, экин майдонларини камайтирмаслик мақсадида вилоятнинг адир зоналарида кўп қаватли уйлар қуриш ва шу орқали тобора ўсиб бораётган аҳолини арзон, замонавий уй-жойлар билан таъминлаш муҳимлигини таъкидлаган эди. Давлатимиз раҳбари ташаббуси билан вилоятда аҳолининг уй-жойга бўлган эҳтиёжини қондириш мақсадида Андижон тумани адирликларидан 440 минг нафарга яқин аҳоли яшashi мумкин бўлган “Янги Андижон” шаҳрини барпо этишга киришилди. Умумий майдони 4 минг гектарни ташкил этадиган



шаҳарнинг 1 минг 144 гектар майдонида турар-жойлар қад ростлайди. Шунингдек, 215 гектар майдонда савдо, 240 гектарда хизмат кўрсатиш, 76 гектарда саноат, 1 минг 942 гектар майдонда яшил ҳудудлар ташкил этилади. Бундан ташқари, 364 гектар майдон йўллар ва бошқа инфраструктура объектларидан иборат бўлади.

“Янги Андижон” лойиҳаси 8 босқичда амалга оширилади. Биринчи босқичда барпо этиши режалаштирилган 3 минг 310 хонадонли 70 та кўп қаватли уй-жой, 1 минг 680 ўринли мактаб, 385 ўринли мактабгача таълим ташкилоти, 200 қатновли поликлиника, трикотаж корхонаси, ипотека маркази қурилди. 3 мингдан зиёд савдо ва хизмат кўрсатиш объектлари қурилиши якунига етмоқда.

Шунингдек, ҳудудни тоза ичимлик сув, электр энергияси ва табиий газ билан таъминлаш ишлари давом этмоқда. Янги Андижон шаҳрига олиб борувчи ҳамда ички йўллар барпо этилиб, ҳудудда кенг кўламли ободонлаштириш ва кўламазорлаштириш ишлари бажарилди.

Фахриддин УБАЙДУЛЛАЕВ,
ЎЗА муҳбири.

Зухриддин УМУРЗОҚОВ (ЎЗА) олган суратлар.



➤ СУРХОНДАРЁ ВИЛОЯТИ

ҚИШЛОҚ ТУМАНИ – ДЕНОВДАГИ ОТМ

УНИНГ МОДДИЙ-ТЕХНИКА БАЗАСИ ЯНАДА МУСТАҲКАМЛАНМОҚДА

Денов Сурхондарё вилоятининг ижтимоий-иқтисодий жиҳатдан тараққий этиб бораётган туманларидан бири. Деновда воҳанинг бошқа туманларига нисбатан аҳоли кўп, 450 минг нафар киши яшайди.

Саноати ривожланган, ишлаб чиқариш корхоналари етарли, эли тадбиркор. Денов халқи азалдан маърифатга интилан, илм-фанга қизиққан. Ҳали XVI асрдаёқ бу ерда Саид Оталиқ мадрасаси барпо этилган бўлиб, унда ҳар йили 500-600 нафар илмга чанқоқ ёшлар

замонасининг оқил, доно, маърифатпарвар ва олим кишилари томонидан ўқитилган.

Халқда оққан дарё оқмай қолмас, деган нақл бор. Азалдан бу кентда илм-маърифат гуллаб-яшнагани эътиборга олинди. Президентимизнинг 2020 йил 17 апрел-

даги “Сурхондарё вилоятида юқори малакали кадрлар тайёрлаш тизимини кенгайтириш ва янада такомиллаштириш чора-тадбирлари тўғрисида”ги қарорига асосан Денов Тадбиркорлик ва педагогика институти ташкил қилинган.

(Давоми 3-саҳифада)

➤ БУХОРО ВИЛОЯТИ

ТОМОРҚА – ХАЗИНА

Бухоро вилояти фермер, деҳқон хўжаликлари ва томорқа ер эгалари кенгаши томонидан аҳолининг шахсий экин майдонларидан самарали фойдаланаётгани, бу борадаги ташаббус ва тўпланган тажрибалари ўрганилмоқда.



Ишчи гуруҳнинг навбатдаги манзили Когон ва Жондор туманлари бўлди. Когон туманидаги 20 минг 928 та хонадон ихтиёрида жами 2 минг 500 гектардан ортиқ экин майдони мавжуд. Айни пайтда туманда “Бир маҳалла – бир маҳсулот” тамойили асосида кенг кўламли ишлар амалга оширилмоқда. Масалан, Сараён қишлоғида истиқомат қилувчи “Намунали томорқачи” кўкрак нишони соҳиби Сайид Нарзиёвнинг ердан фойдаланиш тажрибаси ишчи гуруҳ томонидан юқори баҳоланди.

(Давоми 2-саҳифада)

➤ ФАРҒОНА ВИЛОЯТИ

“КАРКИДОН”ДА ИШ ҚИЗГИН

Каркидон сув омбори 1962-1967 йилларда қурилган бўлиб, лойиҳавий сув тўплаш ҳажми 216 миллион метр кубни ташкил этади. Кува туманидаги Толмозор қишлоғида жойлашган бу сув иншооти Фарғона вилояти ва Қирғизистон Республикасининг Ўш вилояти чегарасида жойлашган.

Сув омбори ўзани атрофи адир билан ўралган, қуюлувчан, у Исфайрамсой ҳамда Жанубий Фарғона магистрал канали, яъни, Каркидон тўйинтирувчи канали орқали тўлдирилади.

(Давоми 2-саҳифада)



➤ НАВОИЙ ВИЛОЯТИ

СОЛИҚДА НИМА ГАПЛАР?

Маълумки, солиқ ва бюджет сиёсатининг 2023 йилга мўлжалланган асосий йўналишлари қабул қилинганлиги муносабати билан қонунчиликка қатор ўзгартиришлар киритилди. Хусусан, қонунчилик ҳужжатлари билан Солиқ кодексининг амалдаги 54 та моддасига ўзгартиш ва қўшимчалар киритилди ҳамда янги 2 та модда прим моддаси билан тўлдирилди.

Ўзбекистон Журналистлари уюшмаси Навоий вилояти бўлими ҳамда вилоят давлат солиқ бошқармаси ҳамкорлигида вилоят солиқ бошқармасининг 2022 йил якунлари ҳамда 2023 йилда солиқ қонунчилигига киритилган ўзгартиришлар ва соҳадаги янги имтиёзлар хусусида матбуот анжумани ўтказилди. Унда Навоий вилояти давлат солиқ бошқармаси бошлиғи Анваржон Ботиралiev сўзга чиқиб, ўтган йилда вилоят солиқ бошқармаси томонидан амалга оширилган ишлар хусусида, шунингдек, юридик шахсларга фойда солиғи бўйича берилган имтиёзлар, айланмадан олинадиган солиқ туридан қатъий белгиланган солиқ ставкасига ўтиш, қўшилган қиймат солиқ ставкасининг пасайтирилиши

ҳамда юридик шахсларнинг ер ва мулк солиғи, сув ресурслари ва ер қазирдан фойдаланиш борасидаги янгиликлар, солиқ юкининг камайтирилиши ҳамда қатор имтиёзларнинг жорий этилаётганлиги юзасидан маълумотлар берди. Жорий йилдан айланмадан олинадиган солиқ тўловчилар ихтиёрий асосда қатъий белгиланган миқдорда солиқ тўлашни танлашга ҳақли эканлиги таъкидланди. Бунда жами даромад суммаси 500 миллион сўмдан ошмаганда йилга 20 миллион сўм қатъий белгиланган миқдордаги солиқни, жами даромад суммаси 500 миллион сўмдан ошганда эса йилга 30 миллион сўм тўлашни танлаш ҳуқуқи берилмоқда.

(Давоми 3-саҳифада)

ГЛОБАЛ ИСИШ ҚАНДАЙ ЮЗАГА КЕЛАДИ?

ОҚАБАТЛАРИ НИМАЛАРДА КЎРИНАДИ, УНГА ЖАВОБАН ИНСОНИАТ ҚАНДАЙ ЙЎЛ ТУТМОҒИ ЛОЗИМ?

Олимларнинг фикрича, Ер атмосфераси юқорисидан жойлашган озон қатламнинг тез-тез ракеталар учирлиши натижасида тешиллиши ва юзага келган бундай тешиклардан Қуёш нурининг Ер сайёраси юзасига тўсиқларсиз тушишидан ҳамда Ер сайёраси юзасида содир бўлиб келаётган ёнғинлар, устига-устак завод ва фабрикалар-

нинг иссиқлик ишлаб чиқариб ишлаши, шунингдек, кўп сонли автотранспорт воситаларининг дивигателларидан чиқадиغان иссиқлик ва тўтун натижасида Ер сайёраси атмосферасида юқори даражадаги ҳарорат исиши юзага келмоқда. Бу эса “глобал иссиш” деб аталмоқда. Булар менимча, ҳақиқатга яқин бўлмаган хулоса.

(Давоми 4-саҳифада)



